

- Consedit, laterique duces hinc indeque binos
 295 Assedisse jubet. reliquos locat ipse minister.
 Centenos simul accubitus iniere sodales,
 Diversasque dapes libans conviva resudat;
 His et sublatis aliae referuntur edendae,
 Atque exquisitum fervebat migra per aurum.
 300 Aurea bissino tantum stant gausape^{1 p. 68} vasa,
 Et pigmentatos crateres Bacchus adornat,
 Illicit ad haustum species dulcedoque potus.
 Waltharius cunctos ad vinum hortatur et escas.
- P**ostquam epulis absumpta quies mensaeque remotae,
 305 Heros jam dictus dominum laetanter adorsus
 Inquit 'in hoc, rogito, clarescat gratia vestra,
 Ut vos in primis reliquos nunc laetificetis.'
 Et simul in verbo nappam dedit arte peractam,
 Ordine sculpturae referentem gesta priorum;
 310 Quam rex accipiens haustu vacuaverat uno,
 Confestimque jubet reliquos imitarier omnes.
 Ocius accurunt pincerna moxque recurrent;
 Pocula plena dabant et inania suscipiebant,
 Hospitis ac regis certant hortatibus omnes.
 315 Ebrietas fervens tota dominatur in aula,
 Balbutit madido facundia fusa palato.
 Heroas validos plantis titubare videres.
 Taliter in seram produxit bacchica noctem
 Munera Waltharius, retrahitque redire volentes;
 320 Donec vi potus pressi somnoque gravati
 Passim porticibus sternuntur humotenus omnes.

296 inire D. 297 diversaque d.l. convivia D. libat c. resudans I.
 299 inignam D. fervet pincerna I. 300 bissina B. 301 pigmentatus A. B. D. pigmentatas C. H. crateras D. 302 illic D. 303 in escas D. 304 postque C. D. Pepulas D. ostquam epulis depulsa fames sublataque mensa B. I. 305 dictis I. 306 regno C. clarescit I.
 307 tunc B. 309 priorum A. B. C. 312 occius accurunt D.
 316 balbutit A. C. 319 fehlt C. redire fehlt A.